

TUS NEEG RAUG TSIM TXOM COV CAI TOM QAB LUB ROOJ TXIAV TXIM RAU TXIM

KEV CEEB TOOM TXOG KEV TSO TAWM NKUAJ

Tom qab qhov kev txiav txim rau txim, cov neeg raug tsim txom muaj cai tau txais tsab ntawv ceeb toom ntawm kev tso tawm tus neeg raug kaw hauv nkauj kaw neeg, chaw kaw neeg, los sis Minnesota Department of Corrections (Lub Tuam Tsev Hauj Lwm ntsig txog Tsev Kaw Neeg) (DOC) lub chaw hauj lwm (nkuaj). Qhov kev ceeb toom txog kev tso tawm nkauj no tsis yog av tas naus mav-cov neeg raug tsim txom yuav tsum thov qhov kev ceeb toom ntawm tus neeg qhov kev tso tawm. Yuav tau txais daim ntawv ceeb toom rau tso tawm (nrog rau kev tso tawm hauj lwm thiab kev txuas sij hawm so), kev hloov mus rau qhov chaw tsis tshua muaj kev ruaj ntseg, thiab yog tias tus neeg raug kaw khiav tawm los sis tuag.

Kev tso tawm los ntawm cheeb tsam nroog lub nkauj

Txhawm rau kom tau txais kev ceeb toom txog kev tso tawm los ntawm lub tsev kaw neeg hauv cheeb tsam nroog, **cov neeg raug tsim txom yuav tsum sau ntawv thov** ncaj qha mus rau qhov chaw kaw neeg. Cov neeg raug tsim txom tuaj yeem tiv tauj lub nkauj kaw neeg kom paub txog haw kev thov.

Tsis tas li ntawd, cov neeg raug tsim txom kuj tseem tuaj yeem sau npe nrog VINE (Victim Information and Notification Everyday (Cov Ntaub Ntawv Qhia Txog Tus Neeg Raug Tsim Txom thiab Kev Ceeb Toom Txhua Hnub)), cov kev pab cuam av tas naus mav uas ceeb toom qhia rau cov neeg raug tsim txom los ntawm kev hu xov tooj, sau ntawv, thiab/los sis xa email thaum tus neeg ua txhaum raug tso tawm hauv nkauj kaw neeg lawm.

Kev tso tawm los ntawm DOC lub chaw hauj lwm

Rau kev ceeb toom txog kev tso tawm los ntawm DOC lub chaw hauj lwm, **cov neeg raug tsim txom yuav tsum tau ua ib qho kev thov** los ntawm Minnesota Haven, uas yog ib qho kev pab cuam hauv oos lais ntawm DOC. Cov neeg raug tsim txom yuav tau txais kev ceeb toom txog tus neeg raug kaw qhov kev tso tawm nkauj, kev hloov mus rau qhov chaw tsis tshua muaj kev ruaj ntseg, kev khiav tawm, kev tuag, thiab lwm yam kev tso tawm los yog tias tus neeg rov nkag mus rau hauv lub nkauj kaw.

Tej zaum cov neeg raug tsim txom tuaj yeem yuav thov cov ntaub ntawv thiab kev ceeb toom ntau ntxiv yog tias tus neeg ua txhaum cai tsim nyog tau qhib kev ceeb toom hauv zej zog txog txoj kev pheej hmoo.

Los ntawm Minnesota Haven, cov neeg raug tsim txom kuj tseem tuaj yeem muab cov ntaub ntawv tswv yim rau hauv tus neeg ua txhaum txoj phiaj xwm kev rov qab los, tau txais kev pab nrog kev npaj ua kom muaj kev nyab xeeb, thiab thov kom koom nrog cov kev lis kev ncaj ncees uas kho kom zoo rov qab los.

Cov neeg raug tsim txom los ntawm tus neeg raug kaw muaj cai thov kom tau txais kev ceeb toom txog tsib tus lej zip code ntawm qhov chaw uas tus neeg raug kaw yuav nyob thaum tawm los sis tom qab raug tso ntawm DOC lub tsev kaw neeg.

Qee qhov xwm txheej, tej zaum tus neeg raug kaw yuav tuaj yeem txo lawv lub sij hawm raug kaw los sis kev saib xyuas los ntawm kev tau txais cov qhab nia kev ua tau neeg zoo. Cov neeg raug tsim txom muaj txoj cai los ceeb toom Yog tias tus neeg raug kaw tsim nyog nyob rau hauv lub khoos kas no thiab muab tswv yim rau hauv txoj phiaj xwm kho tus neeg raug kaw kom zoo rov los.

NYOB HAUV KEV NYOB TXIM TXHAUM LOS SIS KEV TSO TAWM LUB TXIM

Tsab ntawv ceeb toom txog kev tso tawm lub txim rau tus neeg raug kev tsim txom yuav tsum muaj cov xwm txheej ntawm kev tso tawm ntawm tus neeg ua kev txhaum thiab lub npe ntawm tus neeg dhia hauj lwm saib xyuas cov neeg raug txim ntawm tus neeg ua kev txhaum los sis tus neeg sawv cev txog kev saib xyuas hauj lwm los sis lub chaw hauj lwm. Hais txog DOC cov neeg ua kev txhaum txog kev tso tawm lub txim tab sis tseem nyob rau kev saib xyuas (supervised release), lub npe ntawm tus neeg sawv cev hauv kev saib xyuas tuaj yeem nrhiav tau hauv phab ntawv "Lub Twj Nrhiav Tus Neeg Ua Kev Txhaum" ntawm DOC Lub Vev Xaib.

Cov neeg raug kev ua phem kev puas tsuaj muaj txoj cai paub txog cov xwm txheej ntawm kev nyob txim los sis kev tso tawm lub txim tab sis tseem nyob rau kev saib xyuas (supervised release). Cov ntaub ntawv qhia paub uas muaj qhov meej tseeb zog qub, xws li qhov chaw nyob ntawm tus neeg ua kev txhaum, lub chaw ua hauj lwm, thiab cov txiaj ntsig ua tau los ntawm kev ntsuam xyuas txog fab kev mob hlwb, yuav tsis muab faib qhia mus rau tus neeg raug kev ua phem kev puas tsuaj.

Cov neeg raug kev ua phem muaj txoj cai yuav paub txog seb tus neeg ua kev txhaum cai puas tsuaj yuav ua raws nrog kev nyob txim los sis cov xwm txheej kev tso tawm lub txim tab sis tseem nyob rau kev saib xyuas (supervised release), txawm li cas los xij, lawv yuav tsis tau txais kev ceeb toom kiag txog kev tsis ua raws txoj cai. Tuaj yeem ua tau tus neeg raug kev ua phem kev puas tsuaj daim ntawv tshaj qhia txog kev tsis ua raws cai mus rau tus neeg dhia hauj lwm saib xyuas cov neeg raug txim los sis tus neeg sawv cev txog kev saib xyuas. Tuaj yeem tshaj qhia txog kev ua txhaum cai mus rau lub chaw hauj lwm tub ceev xwm uas tsim nyog tau. Tsis yog tias txhua cov kev ua txhaum txog kev nyob txim txhawm rau kev sim soj ntsuam txog cwj pwm kev coj (probation) los sis kev tso tawm lub txim tab sis tseem nyob rau kev saib xyuas (supervised release) yuav tshwm sim rau qhov yuav raug muab xa rov qab mus rau hauv lub tsev loj cuj los sis nkauj kaw neeg.

Cov neeg raug kev ua phem kev puas tsuaj tsis muaj txoj cai uas muaj cai raws li kev cai lij choj kom tau txais kev ceeb toom qhia seb thaum twg tus neeg ua kev txhaum tau ua txhaum cov cai ntawm kev nyob txim txhawm rau kev sim soj ntsuam txog cwj pwm kev coj (probation). Li cas los xij, cov neeg raug kev ua phem kev puas tsuaj tuaj yeem tiv tauj tus neeg sawv cev txog kev nyob txim thiab ceeb toom qhia rau lawv txog lawv li txiaj ntsig yuav tau txais hauv cov kev hais plaub ntug txog kev thim kev nyob txim txhaum twg. Cov neeg raug kev ua phem kev puas tsuaj, xws li ib tug tswv cuab ntawm zej toom sawv daws, tuaj yeem mus koom hauv cov rooj kev txiav txim plaub ntug uas mloog ob tog lus txog kev thim kev nyob txim txhaum.

Muaj lub ncua sij hawm kev nyob txim siab tshaj plaws tsib lub xyoos rau cov neeg nyob hauv kev nyob txim txhaum. Cov neeg raug kev ua phem kev puas tsuaj yeej tuaj yeem tiv tauj tau lub chaw hauj lwm ntawm tus kws lij choj rau lub nroog los sis lub xeev kom lees paub txog hnub kawg ntawm kev nyob txim.

Thaum tus neeg ntawd nyob hauv kev nyob txim los sis hauv kev saib xyuas, cov neeg raug kev ua phem kev puas tsuaj tuaj yeem tiv tauj rau tus neeg dhia hauj lwm saib xyuas cov neeg raug txim yog muaj lus nug dab tsi hais txog kev tsis ua raws li txoj cai kev nyob txim los sis cov cai kev saib xyuas, kev hloov pauv hauv qhov

xwm txheej, tsab ntawv foob txog kev ua txhaum txoj cai thiab cov kev hais plaub ntug, thiab lwm cov kev txhawj xeeb twg hais txog tus neeg ua kev txhaum.

Kev nyob txim uas tsis muaj kev saib xyuas

Qee cov neeg nyob txim uas nyob hauv kev nyob txim yuav "tsis nyob hauv kev saib xyuas," txhais tau tias tsis muaj tus neeg sawv cev tshwj xeeb uas raug muab xaiv los saib lawv, thiab qee cov neeg ua txhaum kev cai tau txais kev saib xyuas los ntawm lub tsev hais plaub. Qee zaum qhov no yuav hu tias yog "kev nyob txim uas muaj feem tuav tswj saib xyuas." Txhawm rau xav sib tham txog cov kev txhawj xeeb hais txog cov neeg ua kev txhaum no, cov neeg raug kev ua phem kev puas tsuaj tuaj yeem tiv tauj lub chaw hauj lwm saib xyuas kev nyob txim los sis chaw kho kom ua neeg zoo hauv zej zog los sis tus kws lij choj rau lub nroog los sis lub xeev kom tau kev pab hauv kev muab cov kev ua txhaum cai thaum nyob txim mus rau kev saib xyuas ntawm lub tsev hais plaub.

Kev sib hloov pauv kev saib xyuas

Cov neeg ua txhaum cai uas nyob los sis xav nyob hauv lwm lub xeev tuaj yeem thov kom lawv feem saib xyuas muab lawv xa mus rau lub xeev ntawd. Yog tias xav paub tias kev saib xyuas ntawm tus neeg ua kev txhaum raug muab xa mus rau lwm lub xeev lawm los sis muab xa rov qab los rau Minnesota, mus rau www.interstatecompact.org thiab tshawb nrhiav hauv qhov "ICOTS."

Kev tso tawm ntawm kev nyob txim ntxov zog

Tus neeg ua kev txhaum nyob hauv kev nyob txim tuaj yeem muaj cai rau kev tso tawm ntxov los ntawm kev nyob txim yog tias ua tau raws li qee cov xwm txheej lawm. Yuav tsum muaj tsab ntawv ceeb toom qhia paub rau tus neeg raug kev ua phem kev puas tsuaj, tab sis tus neeg raug kev ua phem kev puas tsuaj tuaj yeem nug tus neeg dhia hauj lwm saib xyuas cov neeg raug txim seb tus neeg ua kev txhaum puas muaj cai tsim nyog.

KEV THEM NYIAJ KHO YAM UAS PUAS

Yog tias tus neeg nyob hauv kev nyob txim tseem tsis tau them rau kev them nyiaj kho yam uas puas tsuaj raws li txoj phiaj xwm kev them nyiaj, tus neeg raug kev ua phem kev puas tsuaj muaj txoj cai yuav thov lub rooj sib hais txog kev tshab xyuas txog kev nyob txim los ntawm kev tiv tauj tus kws lij choj rau lub nroog los sis lub xeev los sis tus neeg dhia hauj lwm saib xyuas cov neeg raug txim. Dhau ntawd, tus neeg dhia hauj lwm saib xyuas cov neeg raug txim yuav thov kom muaj lub rooj sib hais los tshab xyuas seb kev nyob txim puas yuav tag sij hawm nyob hauv 60 hnub thiab twb tau them qhov kev them nyiaj kho yam uas puas tsuaj lawm los tsis tau.

TSAB NTAWV THOV TXIM

Yog tias tus neeg raug tsim txom tau thov txog, lawv muaj cai txais ib qho kev ceeb toom yog tias tus neeg raug kaw tau sau ib tsab ntawv thov kev zam txim.

KEV TSHEM TAWM

Cov neeg uas muaj kev muab txim txhaum rau tuaj yeem ua daim ntawv foob thov tias kom muab lawv cov ntaub ntawv teev tseg txog kev ntes thiab kev muab lub txim rau tshem tawm. Thaum muab cov ntaub ntawv teev tseg tshem tawm, yuav muab nws nplaum cia thiab tsis pub pej xeeem sawv daws pom lawm. Cov neeg raug kev ua phem kev puas tsuaj muaj txoj cai kom tau txais

kev ceeb toom qhia txog cov kev hais plaub ntug txog kev tshem tawm, los muab tswv yim, thiab kom tau txais kev ceeb toom qhia txog qhov txiaj ntsig ua tau. Txhawm rau kom tau txais kev ceeb toom no, ib **tus neeg raug kev ua phem kev puas tsuaj yuav tsum ua ib daim ntawv thov** mus rau lub chaw hauj lwm ntawm tus kws lij choj rau lub nroog los sis lub xeev.

Kev tshem tawm los ntawm kev sib pom zoo

Hauv qee cov xwm txheej, tus kws lij choj rau lub nroog los sis lub xeev tuaj yeem pom zoo rau kev tshem tawm yam tsis muaj tus neeg rau foob sau ib tsab ntawv foob tau. Ua ntej yuav pom zoo kaw cov ntaub ntawv teev tseg cia, tus kws lij choj rau lub nroog los sis lub xeev yuav tsum siv zog ua yam ncaj cnees los ceeb toom rau tus neeg raug kev ua phem kev puas tsuaj txog kev ua txhaum ntawm kev pom zoo uas tau npaj siab cia thiab lub hwm tsam yuav tawm tsam tau qhov kev pom zoo no.

Kev cia li muab tshem tawm

Muaj qee cov kev ua txhaum thiab cov xwm txheej uas tus neeg raug foob txoj kev phua lub txim rau yuav cia li raug muab tshem tawm. Yog tias tus neeg ua kev txhaum lees txog kev txhaum raws li kev pom zoo txog cov lus foob uas muaj cai tau txais kev tshem tawm tej ntaub ntawv kiag, tus kws lij choj rau lub nroog los sis lub xeev yuav tsum tau ceeb toom qhia rau tus neeg raug kev ua phem kev puas tsuaj.

KEV MUAB SIAB RAU FAB KEV UA TXHAUM RAU PEJ XEEM

Tsab ntawv foob txog kev muab siab rau fab kev ua txhaum rau pej xeeem

Tus neeg raug kev ua phem kev puas tsuaj muaj txoj cai tau txais kev ceeb toom qhia thaum lub chaw hauj lwm ntawm tus kws lij choj hauv cheeb tsam nroog tau sau tsab ntawv foob kom muab tus neeg ua kev txhaum ntawd yog tus neeg ua txhaum rau pej xeeem rau lub chaw kho mob. Dhau ntawd, tus neeg raug kev ua phem kev puas tsuaj muaj txoj cai mus koom rau hauv cov rooj sib hais plaub uas cuam tshuam nrog, kom tau txais kev ceeb toom qhia txog qhov txiaj ntsig ntawm kev foob, thiab kom tau txais kev ceeb toom txog kev lis rau kev thov kev ceeb toom qhia los ntawm lub chaw kho mob txog kev hloov pauv qhov txheej xwm yog tias tus neeg ntawd tau ua kev txhaum.

Kev hloov pauv hauv qhov txheej xwm thiab kev tso tawm

Yog tias tus neeg tau ua txhaum rau pej xeeem rau lub chaw kho mob, tus neeg raug kev ua phem kev puas tsuaj muaj txoj cai tau txais kev ceeb toom qhia paub txog kev hloov pauv txog tus neeg qhov txheej xwm, suav nrog kev xa mus, kev tawm ntawm tsev kho mob ib nyuag ntu, kev tau cai tawm tau los sis txoj phiaj xwm hla dhau, los sis hais ua lwm yam tau txais kev tso tawm ib nyuag ntu los sis mus ib txhis. Ua ntej hloov pauv qhov txheej xwm, tus thawj coj ntawm lub chaw hauj lwm yuav tsum ceeb toom qhia rau tus neeg raug kev ua phem kev puas tsuaj txog lawv txoj cai yuav xa tau daim ntawv nqe lus hais txog kev tso tawm tsev kho mob uas tau thov tuaj los sis txoj phiaj xwm kev npaj tso tawm. Txhawm rau kom tau txais kev ceeb toom no, **cov neeg raug kev ua phem kev puas tsuaj yuav tsum xa ib tsab ntawv thov** mus rau tus thawj coj ntawm lub chaw hauj lwm uas tus neeg ntawd raug kaw cia.

THOV ROV TXIAV TXIM DUA

Cov chaw ua hauj lwm ntawm tus kws lij choj rau lub nroog los sis lub xeev yuav tsum tau ceeb toom qhia rau cov neeg raug kev ua phem kev puas tsuaj txog kev thov kom rov txiav txim dua. Nws yuav cia li ceeb toom ntawm nws tus kheej; cov neeg raug kev ua phem kev puas tsuaj tsis tas yuav ua daim ntawv thov tshwj xeeb txog qhov ntawd li. Cov neeg raug kev ua phem kev puas tsuaj kuj yuav tsum tau txais kev ceeb toom qhia txog cov teeb meem kev sib cav, kev lis, cov rooj sib hais uas tau teem sij hawm tseg, lawv cov cai, thiab qhov kawg ntawm kev sib hais.

KEV HLOOV PAUV LUB TXIM

Muaj qee cov xwm txheej uas lub tsev hais plaub yuav txiav txim siab txog kev hloov pauv rau tus neeg raug foob lub txim xub thawj, piv txwv li, txhawm rau los kho lub txim kom raug, thaum tus neeg raug foob tau txais kev rov txiav txim dua vim muaj kev thov kom rov txiav txim dua, los sis thaum tus kws lij choj rau lub nroog los sis lub xeev nrhiav kev hloov kho lub txim. Hauv cov xwm txheej no, tus kws lij choj rau lub nroog los sis lub xeev yuav tsum tau ceeb toom qhia rau tus neeg raug kev ua phem kev puas tsuaj txog kev hais plaub ntug, txoj cai yuav tuaj mus tau rau hauv lub rooj sib hais, thiab txoj cai muab tau lus tawm tswv yim rau lub tsev hais plaub uas cuam tshuam rau kev hloov pauv los sis kev hloov kho lub txim ntawd.

KEV ZAM TXIM

Thaum tus neeg ntawd thov txog kev zam txim, tus neeg raug kev ua phem kev puas tsuaj yuav tsum tau txais kev ceeb toom qhia paub hais txog daim ntawv thov, kev hais plaub ntug nyob rau ntawm seb yuav muab daim ntawv thov mus sib hais rau qhov twg, thiab tus neeg raug kev ua phem kev puas tsuaj txoj cai yuav mus koom nrog hauv kev hais plaub ntug thiab xa daim ntawv nqe lus hais los sis mus hais ntawm ncauj kiag. Kev thov zam txim suav muaj kev zam txim, kev zam txim rau lub txim uas raug yuam kom ua raws, los sis kev muab lub txim txo kom me txog lub txim ntawd.

KEV TSO TAWM KAW HAUV TSEV THIAB KEV TSO TAWM UAS RAUG SAIB XYUASJ

Pab pawg Supervised Release Board yog pab uas muaj cai los txiav txim seb yuav cia cov neeg raug kaw certified adults thiab cov neeg raug kaw tag ib sim neej los sis cov uas raug lub txim kaw tsis muaj hnub tso tawm kaw hauv tsev los sis tso tawm raug saib xyuas tom qab lawv tau nyob tsev loj kuj ib ntus. Cov neeg raug tsim txom muaj cai txais kev ceeb toom txog kev nce xam hais plaub txo txim los sis kev tshuaj xyuas txim, muaj cai tuaj koom, thiab muaj cai tawm suab hais los sis sau ntawv nthuav lawv txoj kev xav. Cov lus qhia los ntawm tus neeg raug tsim txom yuav tsum muaj coj los xav txog thaum yuav los txiav txim siab txog kev tso tawm kaw hauv tsev los sis tso tawm raug saib xyuas.

Qee qhov kev ceeb toom rau cov neeg raug tsim txom yuav tsis tshwm sim txog kiag ntau xyoo tom qab qhov kev txiav txim siab. Xav kom cov neeg raug tsim txom hloov kho tshiab lawv cov ntaub ntawv tiv tauj nrog lub koom haum uas cuam tshuam kom ntseeg tau tias lawv tau txais lawv cov ntawv ceeb toom tom qab qhov kev txiav txim rau txim.

KEV NYAB XEEB RAU COV NEEG RAUG TSIM TXOM

Kev tau txais kev pab: Xav kom cov neeg raug tsim txom ntawm kev ua phem txhaum cai uas tseem tsis tau nrhiav kev pab ntawm lub chaw muab kev pab cuam rau tus neeg raug tsim txom ua raws li kev taw qhia txog kev npaj thiab kev kho kom zoo rov qab tau yam muaj kev nyab xeeb. Muaj ib daim ntawv teev npe chaw muab kev pab cuam rau tus neeg raug tsim txom nyob rau ntawm OJP Lub Vev Xaib.

Lub khoos kas tswj xyuas cov chaw nyob tsis pub lwm tus paub: Safe at Home yog lub khoos kas tswj xyuas cov chaw nyob tsis pub lwm tus paub rau cov neeg dim los ntawm kev tsim txom hauv tsev, kev ua phem rau kev sib daj sib deev, kev soj qab taug, thiab lwm tus uas ntshai rau lawv txoj kev nyab xeeb. Minnesota Secretary of State (Tus Tuav Ntaub Ntawv Hauv Lub Xeev) Lub Vev Xaib muaj cov ntaub ntawv hais txog lub khoos kas thiab cov koom haum hauv cheeb tsam uas tiv tauj mus thov tau.

Kev kuaj tsis pub lwm tus paub: Cov neeg raug tsim txom ntawm kev quab yuam rau kev sib daj sib deev thiab lwm tus neeg raug tsim txom txhim cai uas tej zaum yuav muaj kev sib chww nrog tus neeg ua phem cov phev los sis cov ntshav tuaj yeem ua ib qho kev thov tsis pub lwm tus paub, tom qab kev txiav txim rau txim, los ntawm tus kws lij choj lub chaw ua hauj lwm kom coj tus neeg ua txhaum cai mus kuaj kab mob HIV thiab tau txais cov txiaj ntsig kuaj tau.

Ua txhaum cai rau qhov lus txib pov thaiv: Rau cov neeg nyob hauv kev tswj saib xyuas, tuaj yeem tshaj qhia qhov ua txhaum cai rau pej xeem thiab kev ua txhaum txoj cai lij choj mus rau tag nrho tus neeg raug tsim txom lub koom haum tub ceev xwm hauv cheeb tsam thiab mus rau hauv nkuaj kaw neeg los sis lub tsev kaw neeg tib si.

Kev txuas sij hawm lo lus txib pov thaiv ntxiv: Cov neeg raug tsim txom nrog daim ntawv txib rau kev pov thaiv uas tas sij hawm los sis yuav tas sij hawm thaum tus neeg ua txhaum tseem nyob rau hauv nkuaj kaw neeg los sis lub nkuaj tuaj yeem thov lub tsev hais plaub rau ib daim ntawv txib tshiab ntxiv txawm tias tus neeg ua txhaum tsis tau ua hwm thawj los sis tsis ua phem tshiab rau lawv los xij.

Kev npaj rau kev tso tawm nkuaj: Ua ntej tso tawm nkuaj, cov neeg raug tsim txom ntawm ib tus neeg ua txhaum cai nyob rau hauv DOC lub chaw kaw neeg (lub nkuaj) tuaj yeem tiv tauj mus rau tus neeg raug kaw tus thawj tswj rooj plaub los sis Victim Assistance and Restorative Justice Unit (Lub Chaw Saib Xyuas Pab Cuam Cov Neeg Raug Tsim Txom thiab Kho Kom Muaj Kev Ncaj Ncees) los sib tham txog tej kev txhawj xeeb txog kev nyab xeeb thiab muab tswv yim rau qhov kev npaj tso tawm nkuaj los sis cov xwm txheej. Tus thawj tswj xyuas yuav muaj lub npe teev tseg nrog tus neeg ua txhaum lwm cov ntaub ntawv ntawm nplooj ntawv "Qhov Taw Qhia Tus Neeg Ua Txhaum" ntawm DOC Lub Vev Xaib.

COV CHIV KEEB

Cov Ntaub Ntawv Qhia Txog Tus Neeg Raug Kaw
VINE www.vinelink.com
877-664-8463 | TTY: 866-847-1298
DOC Qhov Taw Qhia Txog Tus Neeg Ua Txhaum: www.doc.state.mn.us

Thov Kev Ceeb Toom Txog Kev Tso Tawm
Cov Nkuaj Kaw Neeg: Tiv tauj rau lub nkuaj kaw neeg hauv cheeb tsam nroog thiab/los sis siv VINE
www.vinelink.com | 877-664-8463
DOC lub chaw hauj lwm:
victimassistance.doc@state.mn.us | 800-657-3830

Department of Corrections Victim Services and Restorative Justice (Lub Tuam Tsev Hauj Lwm ntsig txog Pab Cuam Cov Neeg Raug Tsim Txom thiab Kho Kom Muaj Kev Ncaj Ncees)
victimassistance.doc@state.mn.us
800-657-3830, mn.gov/doc/victims

Kev Pab Cuam Fab Nyiaj Txiag
Minnesota Crime Victims Reimbursement Board (Pawg Thawj Saib Xyuas Kev Them Nyiaj Txiag Rau Tus Neeg Raug Tsim Txom Txhaum Cai Hauv Minnesota)
Office of Justice (Lub Chaw Hauj Lwm ntsig txog Kev Ncaj Ncees)
Cov Khoos Kas
ojp.dps.mn.gov, 651-201-7300 | 888-622-8799

Rau cov lus nug txog kev them nyiaj rau qhov kev puas tsuaj, hu rau tus kws lij choj los sis DOC Victim Services and Restorative Justice Unit (Lub Chaw Saib Xyuas Pab Cuam Cov Neeg Raug Tsim Txom thiab Kho Kom Muaj Kev Ncaj Ncees).

Kev Nkag Mus Rau Cov Ntaub Ntawv Hais Plaub Hauv Zej Tsoom
Minnesota Judicial Branch (Feem Txiav Txim Plaub Ntug Hauv Minnesota) Lub Vev Xaib
www.mncourts.gov/publicaccess

Lub Khoos Kas Tswj Xyuas Cov Chaw Nyob Ntawm Tsis Pub Lwm Tus Paub
Safe at Home
Minnesota Secretary of State
www.sos.state.mn.us
safe.athome@state.mn.us
651-201-1399 | 866-723-3035

Cov Chaw Muab Kev Pab Cuam Rau Tus Neeg Raug Tsim Txhom
Yog xav paub ntau ntxiv txog cov cai thiab cov chaw muab kev pab cuam, mus rau OJP Lub Vev Xaib: ojp.dps.mn.gov

11-25

Post Conviction - Hmong

Cov NTAUB
NTAWV TSHAJ
TAWM KEV TXIAV
TXIM RAU TXIM
TUS NEEG RAUG TSIM
TXOM COV CAI THIAB
COV NTAUB NTAWV



LUB CHAW KHIAB DEJ NUM TXHAWB
COV KEV VAJ HUAM SIB LUAG
MINNESOTA TUAM TSEV TSWJ XYUAS PEJ XEEM
HUAB HWM KEV NOJ QAB HAUS HUV
OFFICE OF JUSTICE PROGRAMS
MINNESOTA DEPARTMENT OF PUBLIC SAFETY